

TARIKH	14 / 9 / 2016	SEKSYEN	PENGALAMAN TUNAI HAJI
MUKA SURAT	42	RUANGAN	



Terharu dapat sentuh Kaabah

BAGI Mohd Arif Azlan, 31, pula, pengalamannya ketika dapat menyentuh Kaabah di tengah jutaan manusia antara kenangan indah yang tidak dapat dilupakan sepanjang mengerjakan ibadah itu dua tahun lalu.

Mohd Arif yang menuaikan fardu haji bersama isterinya, Rosniyati Nasir, 33, memberitahu, sebaik menunaikan solat, dia takut menghampiri Kaabah.

"Saya dapat rasakan ALLAH bukan satu jalan untuk saya hampiri dan pegang kiswah (kain kelambu) pada dinding Kaabah masa seminggu sebelum pulang ke tanah air."

"Lepas tu saya terus ke penjuru Kaabah untuk cium Hajarul Aswad, namun disebabkan jumlah manusia terlalu ramai, hasrat itu tak kesampaian," katanya.

Lembaga Tabung Haji memaklumkan, Mohd Arif dan isterinya terpilih me-

ngерјakan fardu Haji pada Februari 2014 dan kemudiannya berangkat ke Makkah pada 7 September 2014.

"Perasaan masa tu macam tak percaaya sebab dalam usia yang masih muda diberikan kesempatan oleh-Nya untuk menjalani kaki ke sana. Perasaan itu tak tergambar dan sukar dilafazkan dengan kata-kata" ujarnya lanjut.

Dia dan isteri yang berada di kota suci umat Islam itu selama 45 hari berjaya, sepanjang berada di sana, cuaca di tanah suci panas kering hingga pernah mencapai suhu 45 darjah selcius semasa di Mina.

"Satu pengalaman tak dapat saya lupa, sebaik turun dari bas di Padang Arafah untuk melakukan wukuf, tiba-tiba kawasan itu hujan."

"Hujan dalam masa lima minit itu amat bermakna sebab sepanjang berada di sana, itulah kali pertama saya merasai

nikmat hujan," katanya.

Menurutnya, dia menetapkan niat mengabdikan masa dan tenaga sepanjang berada di sana semata-mata ingin beribadah kepada pencipta meskipun terpaksa berjauhan dengan anaknya, Muhammad Aqmar Raiyan, 5.

"Sampai sini minda pun terus berubah. Saya cekalan hati dan pasang niat datang ke sini nak beribadah dan lupakan seketika hal dunia," katanya.

Lebih manis, Mohd Arif yang sebelum ini menjadi Guru Penolong Kanan 1 di Kelas Agama dan Pardu Ain (Kafa) Integrasi Puncak Alam 3 memberitahu, semasa mengerjakan haji dia baharu tujuh hari dilantik sebagai Ketua Guru Kafa Darus-Saadah Desa Coalfield.

"Alhamdulillah, rezeki datang tanpa disangka bila dapat surat kenaikan pangkat dan dipindahkan ke sekolah lain," katanya.